

**1. PRAAT SAAM: Is Sendingwerk nodig? (praat eers in algemeen hieroor in groep en hanteer dan wat hieronder staan)**

Mense kan redeneer "God sal in elk geval almal red, dis nie nodig vir sendingwerk nie". Gaan sê dit vir sendelinge wat hulle lewe opgeoffer het om op ver plekke die evangelie te verkondig! Sendingwerk is **God se opdrag** aan ons:

**Genesis 12**

(3) Ek sal seën wie jou seën, en hom vervloek wat jou vervloek. In jou sal al die volke van die aarde geseën wees."

NB: Ons moet sendingwerk doen om **tot seën** te wees van die hele wêreld.

**Lees ook Psalm 9:12, Ps 67:1-6, Ps 96:2-3, Ps 105:1**

**En dan is daar verskeie tekste in die Nuwe Testament, bv Matteus 28**

(19) Gaan dan na al die nasies toe en maak die mense my dissipels: doop hulle in die Naam van die Vader en die Seun en die Heilige Gees, en

(20) leer hulle om alles te onderhou wat Ek julle beveel het. En onthou: Ek is by julle al die dae tot die voleinding van die wêreld."

(*vers 19 staan bekend as die "groot opdrag" of die "sendingopdrag"*)

**en Romeine 10:**

(13) want elkeen wat die Naam van die Here aanroep, sal gered word.

(14) Maar hoe kan 'n mens Hom aanroep as jy nie in Hom glo nie? En hoe kan jy in Hom glo as jy nie van Hom gehoor het nie? En hoe kan jy van Hom hoor sonder iemand wat *preek*?

(15) En hoe kan iemand preek as hy nie gestuur is nie? Daar staan ook geskrywe: "Hoe wonderlik klink die voetstappte van *dié wat die goeie boodskap bring*." [Jesaja 52:7]

**2. PRAAT SAAM: Sommige mense dink dat ons slegs deur ons lewens moet getuig. Met ander woorde, mense moet Jesus se liefde in ons raaksien en so tot bekering kom. Ander redeneer dat, om sendingwerk te doen, jy jou Bybel moet ken en moet gaan vertel.**

**WAT SÊ JULLE AS GROEP HIERVAN? (praat eers in algemeen hieroor in groep en hanteer dan wat hieronder staan)**

Lees weer Romeine 10 hierbo (let op die woorde in *kursief*)

Lees ook Handeling 17:1-4 en Handeling 18:4-6 en **1 Petrus 3:15**

(15) In julle harte moet daar net heilige eerbied wees vir Christus die Here. Wees altyd gereed *om 'n antwoord te gee* aan elkeen wat van julle 'n verduideliking eis oor die hoop wat in julle lewe.

**3. BID SAAM AS GROEP** en vra die Here om julle te wys as individue en as groep waar julle, met w(W)oord en daad, nog meer as getuies vir Hom in die wêreld kan optree.